

古豐識畧卷十

分巡歸綏等處兵備道長白鍾秀石帆

初稿

原 棟 選 知 縣 崞 縣 張 曾 小 袁

地 部

關 津

殺虎口 為鄂爾多斯貢道塞北之咽喉也明自正

統以後南北畫此為界虎字戎

朝所改與破虎殘虎威虎敗虎阻虎等堡同又黑山

一名殺虎山與此口別口距城二百四十里

大紅山口 城東北七十里見府志今無其名惟城

古豐識畧

地 部 卷 十

關 津

一

東北六十里有卯獨沁溝通四子部落旗疑即其地

小紅山口 城東北三十里見府志今名紅沙口距

城二十里迤東有哈喇沁溝討連疏溝奎樹溝俱

通大青山後

吳公壩口 城西北三十里通山後瓦剌等處即古

桐陽塞也通志城北有翁公谷疑即此轉音之訛

刺麻灣 城西南一百九十里屬托克托城

黃河渡 在刺麻灣東西岸有渡船鄂爾多斯以西

商民負販鹽米俱在此渡河未知即古君子津否

洪津橋 城西南四十里有水濟柵或謂此古君子津也

烏素圖溝 城西北二十里通志以溝為谷迤西為胡塞溝距城三十里即古高關塞入溝為鑲藍旗糧地俱通漠北路

水磨溝 距城七十里距畢齊克齊十里亦通漠北黑牛溝口 距城八十里在畢齊克齊西通伊犁路萬家溝口 在黑牛溝口西四十里

湖灘河朔渡口 在城西南一百八十里托克托城南有渡口船隻通志謂即君子津亦疑似之說

古臺識畧

地部 卷十

關津

二

毛代渡口 在湖灘河朔西北距城二百四十里大溝門 在和林格爾東北八十里與寧遠接壤

按關津之設地方之防守繫焉平昔每至一方必詢悉其道路之出入山川之阨要某處距某處若干里為通衢為僻徑某處遇事宜守禦某處宜斷塞境內口隘凡若干所繪為圖本藏諸行笥以備不虞見者輒誦其無病而呻曾未敢一置喙也漠南地數千里雁門一關為古今南北要塞近則以車馬輻湊王道蕩平殺虎口為西北樞稅總區然以之譏行旅有餘以之資堵

防不足豐州毗連各外藩中外藩蔽以大青山
為牆垣門戶之存廣輿記所云厝大積薪其慮
至深且遠雖當此南北一家之會似無庸過為
區畫而地險所設正未可以無用視之今取通
漠北往來諸路畧識數端俟後再為續入觀者
幸知其用意之所在云